



Inatsisartunut ilaasortaq Doris J. Jensen

4. oktober apeqqarissaartoqarnerani qimussesuarmut tunngatillugu apeqquteqaammut akissut

Ulloq 4. oktoberi Inatsisartuni apeqqarissaartoqarnerani qimussesuarmut tunngatillugu apeqqutigisimavat Naalakkersuisut qanoq iliuuseqarniarnersut kalaallit qimmii qimuttut illersorneqarnissaannut. Assersuutigisimavallu Avannaata Qimussersua annertunerujussuarnik tapersorneqarsinnaagaluarneranik, ukiuni tulliuuttuni Aningaasanut Inatsimmi 1,5 mio. koruuninik atuiffigineqassammata, kisianni marloriaataat pisariaqartinneqaraluartut.

Tassunga atatillugu aamma neriuutiginerarpat Naalakkersuisut ukiaq manna suleriesissiaq suliakkiutiginikuusimasat tunniunneqarumaartoq.

Tassunga akissuteqaammik Aalisarnermut Piniarnermullu Naalakkersuisumut pissarsivunga, taannaamat susassaqaqfimmik akisussaasoq. Imatullu akissuteqarpoq:

“Inatsisartut UPA2022-mi una akuersissutigaat: “Nunatsinni qimussertarnermik kulturip ineriartortinneqarnissaanut tammatsaaliorneqarnissaanullu Arctic Nomads innersuussutai 22-vit isumassarsiorfigalugit periusissiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Periusissiaq sapinngisamik qimmeqarfinnik ataasiakkaanik suleqateqarluni suliarineqassaaq. Periusissiaq kingusinnerpaamik UKA2023-imi saqqummiunneqassaaq.”

Matumuuna nalunaarutigineqassaaq pineqartoq UPA2024-mi Inatsisartunut saqqummiunneqarnissaa naatsorsuutigineqarmat.”

Inussiarnersumik inuulluaqqusilluta

Aqqaluaq B. Egede